

Gielddaráđdehus**Áigi** 28.03.2022 dmu 13:00 - 16:30**Báiki** Gielddadállu, váldostivrasále**Čoahkkináššit**

§	Bajilčála	Siidu
51	Čoahkkima lágalašvuhta ja mearridanváldi	4
52	Beavdegirjedárkkisteaddjiid válljen	5
53	Čoahkkima bargoortnega dohkkeheapmi	6
54	Dili birra oanehaččat	7
55	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
56	Ovddidan- ja ealáhusuoavdda virgenamahusa ja gelbbolašvuođaeavttuid rievdadeapmi	9
57	Eallinfápmoavdda virggi deavdin	10
58	Ovddidan- ja ealáhusuoavdda bargguid dikšun	11
59	Gielddahoavdda sadjásačča mearrideapmi	12
60	Gielddaráđdehusa čoahkkináiggit giđđat 2022	13
61	Stáhtaruhtaministeriija hálddahussuorggi gudnemearkaevttohusat jagis 2022	14
62	Gieldačatnasanbivdda VASA - Nana sode Lappi buresveadjinguvlui	15
63	Inarin Lapin Vesi Oy, fitnodatčoahkkinovddasteaddji ja stivrri lahttu	16
64	Čuvgehusdoaimma juhkosat	17
65	Lassemearruhta Gáregasnjárgga boares skuvlla saneremii	20
66	Ohcejoga gieldda bázahusmáksotávssaid bajádus	21
67	Lassemearruhta Sami game jam -fidnui	23
68	Doaibmaorgánaid mearrádusat	24
69	Ruhtadoalu birra oanehaččat	25
70	Áššit diehtun	26
71	Dikšunbarggu ja rabasbálvalusa hálddahuslaš ovttasteapmi	27
72	Lassemearruhta "Nisulammen lähivirkistysalueen kehityshanke" - fidnui	32
73	Lassemearruhta Njuorggáma Stuorrageađggevári čorgatvuohta ja geasuhahttivuohta -projektii	34
74	Duktásaji oastinfálaldat, Nilla Tapiola	36

Oasseváldit

	Namma	Dmu	Bargu	Lassidiedut
Mielde	Guttorm Väinö	13:00 - 16:30	Ságadoalli	
	Länsman Vesa	13:00 - 16:30	Várreságadoalli	
	Kordelin Marjatta	13:00 - 16:30	Lahttu	
	Pohjanrinne Arto	13:00 - 16:30	Lahttu	
	Ahlakorpi Anni	13:00 - 16:30	Lahttu	
	Rasmussen Riikka	13:00 - 16:30	Várrelahttu	
	Lukkari Sammoli	13:00 - 16:30	Váldostivrra várreságadoalli	
Eret	Niittyvuopio-Valle Laura		Lahttu	
	Holmberg Aslak		Lahttu	
	Konttinen Pirjo		Várrelahttu	
	Guttorm Urho		Várrelahttu	
	Hekkanen Eemeli		Várrelahttu	
	Porsanger Veikko		Várrelahttu	
	Jaatinen Eeva Tapiola Ilmari		Várrelahttu Várrelahttu	
Eará	Pieski Taina	13:00 - 16:30	Gielddahoavda, áššemeannudeaddji	
	Länsman Marja	13:00 - 16:30	Beavdegirjedoalli	
	Aikio Leena	13:00 - 16:30	Tulka	

VuolláičállosatVäinö Guttorm
ságadoalliVesa Länsman
ságadoalli § 59Marja Länsman
beavdegirjedoalli**Giedahallon áššit**

51 - 74

Beavdegirji dárkkisteapmi

Dárkkistanáigi 28.3.2022

Arto Pohjanrinne

Riikka Rasmussen

Beavdegirji lea dollojuvvon albmosis

Gielldadállu, guovddášdoaimmahat 04.04.2022

Minna Lukkari
almmuhantávvala dikšu

Čoahkkima lágalašvuohta ja mearridanváldi

Gr 28.03.2022 § 51

Gávnnavuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus:

Gávnnavuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Beavdegirjedárkkisteaddjiid välljen

Gr 28.03.2022 § 52

Válljet čoahkkimii guokte beavdegirjedárkkisteaddji.

Mearrádus:

Beavdegirjedárkkisteaddjin välljejuvuiga Arto Pohjanrinne ja Riikka Rasmussen.

Čoahkkima bargoortnega dohkkeheapmi

Gr 28.03.2022 § 53

Evttohus:

Gielddaráđdehus dohkkeha áššiid gieđahallanortnega čoahkkima evttohuslisttá mielde.

Mearrádus:

Ságadoalli evttohii, ahte lassiaššin gieđahallojit Dikšunbarggu ja rabasbálvalusaid hálddahaslaš ovttasteapmi, Lassemearreruhta "Nisulammen lähivirkistysalueen kehityshanke" – fidnui, Lassemearreruhta Njuorggáma Stuorrageađggevári čorgatvuohta ja geasuhahttivuohta -projektii sihke Duktásaji oastinfálaldat, Nilla Tapiola.

Gielddaráđdehus dohkkehii áššiid gieđahallanortnega ságadoalli evttohan lassiaššiin ja muđuid čoahkkima evttohuslisttá mielde..

Dili birra oanehaččat

Gr 28.03.2022 § 54

Gielddahoavda muitala áigeguovdilis áššiid birra oanehaččat.

Evttohus:

Merkejuvvo diehtun.

Mearrádus:

Gielddahoavda muitalii oanehaččat áigeguovdilis áššiid birra.

Merkejuvvui diehtun.

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 28.03.2022 § 55

Gildii leat bohtán 5 st gávpenannejeaddji giddodatluohpadanalmmuhusat, listá giddodatluohpadanalmmuhusain lea siidomateriálan. Giddodatluohpadanalmmuhusat leat oppalohkáid oaidninláhkaid čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa váidimiin hálddahušiektái.

Gieldda mearrádussii leat geavatkeahhtá ovdaoastinvuoigatvuoda ii oaččo ohcat nuppástusa váidimiin.

Evttohus:

Gielddaráđdehus merke diehtun gávpenannejeaddji giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda gávppi vuloš báikkiide.

Mearrádus:

Evttohus dohkkehuvvui.

Ovddidan- ja ealáhusuoavdda virgenamahusa ja gelbbolašvuodaeavttuid rievdadeapmi

Gr 28.03.2022 § 56

Ovddidan- ja ealáhusuoavdda virgi bohtá rabasin. Dálá virgedoalli lea cealkán iežas eret barggus, ja son báhcá jahkelupmui 2.4.2022 rájes.

Eallinfápmodoaibmasuorggi mearkkašupmi stuorru gieldda doaimmas ja boakteáiggi ovddideamis earet eará fáhkkes ráhkadusnuppástusa ja sode-ođastusa geažil. Mánggat gielddat ja gávpoget leat bajidan eallinfápmoáššiid mearkkašumi rievdademiin árbevirolaš ealáhusuoavdda virgenamahusa eallinfápmohoavdan ovdanbuktit viidasut eallinfápmoáššiid ovddasvástádusa. Lassin eallinfápmodoaibmasuorggi hoavdda/hálddahushoavdda virgenamahus livččii linjjás čuvgehus- ja vuodđodorvodoaibmasurggiiguin, maid jođiha čuvgehusuoavda ja vuodđodorvohoavda. Maid eallinfápmoáššiin vástideaddji lávdegotti namma lea árabut rievdaduvvon eallinfápmolávdegoddiin.

Maid virggi gelbbolašvuodaeavttuid galgá ođasmahttit.

Gielddaráđdehus lea mearridan gelbbolašvuodaeavttuid birra 31.3.2009 ná:

Ohccis eaktuduvvo allaskuvladutkkus. Hárjánupmi fitnodatrávvenis ja projeaktadoaimmas sihke sámegeiela máhttu gehččojuvvo erenoamáš ánsun. Gielddahálddahusa dovdan ja eangalsgeiela máhttu gehččojuvvo ohccái ánsun.

Evttohus:

Gielddaráđdehus evttoha váldostivrii, ahte dat dohkkeha virggi deavdimá doasttáži sihke virgenamahusa rievdadeami eallinfápmohoavdan.

Gielddaráđdehus evttoha váldostivrii, ahte dat nanne eallinfápmohoavdda gelbbolašvuodaeavttuid ná:

Eallinfápmohoavddas eaktuduvvo heivvolaš allaskuvladutkkus ja eangalsgeiela máhttu. Atnit árvvus fitnodateallima, gielddahálddahusa ja -ekonomiija dovdama sihke geavatlaš hárjánumi jođihanbargguin ja projeaktabarggus. Atnit dehalažžan oktasašbargodáidduid, buriid vuorrováikkusdáiidduid sihke ođasmahttindáiidduid. Sámegeiela máhttu ja sáme kultuvrra dovdan gehččojuvvo ohccái erenoamáš ánsun.

Mearrádus:

Evttohus dohkkehuvvui.

Juohkin

Váldostivra

Beavdegirji dárkkisteaddjit:

Eallinfápmohoavdda virggi deavdin

Gr 28.03.2022 § 57

Ovddidan- ja ealáhushoavda Eeva-Maarit Aikio lea cealkán iežas eret barggustis, ja son báhcá jahkelupmui 2.4.2022 rájes

Gielddaráđdehus lea evttohan váldostivrii virgenamahusa rievdadeami eallinfápmohoavdan sihke virggi gelbbolašvuodaeavttuid rievdadeami. Gielddastivra čoahkkana 7.4.2022.

Virgedoallibargun válmmaštallon ohcanalmmuhus čuovusin.

Evttohus:

Gielddaráđdehus mearrida, ahte eallinfápmohoavdda virgi biddjo rabas go váldostivrra lea dohkkehan virgenamahusrievdadusa sihke gelbbolašvuodaeavttuid. Gielddaráđdehusa dohkkeha virggi ohcanalmmuhusa. Virggi ohcanáigi nohká 5.5.2022.

Gielddaráđdehus vállje ohcciid geat bovdejuvvojit jearahallamii ja čađaha jearahallamiid. Gielddaráđdehus dahká evttohusa válljejuvvon olbmos váldostivrii nu, ahte virgeválgga sáhhtá čađahit mañimustá váldostivrra geassemánu čoahkkimis.

Mearrádus:

Evttohus dohkkehuvvui.

Juohkin

Guovddášhálddahas

Ovddidan- ja ealáhushoavda bargguid dikšun

Gr 28.03.2022 § 58

Ovddidan- ja ealáhushoavda Eeva-Maarit Aikio lea cealkán iežas eret barggustis, ja son báhcá jahkelupmui 2.4.2022 rájes. Ovddidan- ja ealáhushoavdda bargguid dikšuma galgá ordnet 2.4.2022 rájes dassáži, ahte virgi devdojuvvo ođđasis ja ođđa virggi dikšu álggaha barggustis.

Ohcejoga gieldda hálddahunjuolggadusa 17 § mielde gielddaráđdehus mearrida doaibmasuorgehoavdda sadjásačča, guhte dikšu doaibmasuorgehoavdda bargguid go son lea eret dahje easttalaš.

Evttohus:

Gielddaráđdehus mearrida mátkeealáhusvástideaddji Sonja Sistonen dikšut iežas barggu olis 2.4.2022 rájes dassáži, ahte ođđa eallinfápmohoavda álggaha barggustis.

Mearrádus:

Evttohus dohkkehuvvui.

Juohkin

Eeva-Maarit Aikio
Sonja Sistonen

Gielddahoavdda sadjásačča mearrideapmi

Gr 28.03.2022 § 59

Gieldda hálddahunjuolggadusa 15 §:a mielde gielddaráđdehus mearrida gielddahoavdda sadjásačča, guhte dikšu gielddahoavdda barggaid go gielddahoavda lea eret (virgelobis) dahje easttalaš.

Gielddaráđdehus lea 9.4.2020 § 29 mearridan gielddahoavdda sadjásažžan ovddidan- ja ealáhushoavda Eeva-Maarit Aikio. Eeva-Maarit Aikio lea cealkán iežas eret barggus, ja son báhcá jahkelupmui 2.4.2022 rájes.

Evttohus:

Gielddaráđdehus mearrida gielddahoavdda sadjásažžan ođđa eallinfápmohoavdda. Eallinfápmohoavdda ohcanmeannudeami áigge gielddahoavdda sadjásažžan doibme gielddaráđdehusa ságadoalli Väinö Guttorm. Sadjásašvuohta álgá 2.4.2022 ja bistá dassázii go ođđa eallinfápmohoavda álggaha barggustis.

Mearráduš:

Gielddaráđdehusa ságadoalli Väinö Guttorm almmuhii iežas leat easttalaš ášši gieđahallamii. Merkejuvvui beavdegirjái, ahte gielddaráđdehusa várreságadoalli Vesa Länsman lei ságadoallin ášši gieđahallama áigge.

Evttohus dohkkehuvvui.

Juohkin

Gielddaráđdehusa ságadoalli
Hálddahusgottit

Gielddaráđđehusa čoačkkinaiggit giđđat 2022

9/00.02.01/2017

Gr 28.03.2022 § 60

Ohcejoga gieldda hálddahusnjuolggadusa 129 §:a mielde doaimmaorgána mearrida jeavddalaš čoačkkimiiddis áiggi ja báikki.

Čoačkkina dollojuvvo maid dalle, go ságadoalli mielas dasa lea dárbu dahje eanetlohku doaimmaorgána doaimmaláhtuin evttoha ságadoallái čoačkkima doallama ovdanbukton ášši gieđahallama várás. Dalle ságadoalli mearrida čoačkkinaiggi.

Ságadoalli sáhtta šluhttet čoačkkima ákkastallon siva dihte.

Gielddaráđđehusa čoačkkimat dollojit gielddadálus.

Evttohus:

Gielddaráđđehus mearrida giđa 2022 váldočoačkkinaibeivin 9.5.2022, 16.5.2022 ja 6.6.2022. Gielddaráđđehus sáhtta doallat maid badjelmearálaš čoačkkimiid dađi mielde go lea dárbu. Čoačkkimat dollojit gielddadálus dmu 13.00 rájes.

Mearrádus:

Evttohus dohkkehuvvui.

Juohkin

Guovddášhálddahus

Stáhtaruhtaministeriija hálddahussuorggi gudnemearkaevttohusat jagis 2022

89/00.04.00/2017

Gr 28.03.2022 § 61

Lappi guovlluhálddahusdoaimmahat lea bivdán gielddain Stáhtaruhtaministeriija hálddahussuorggi guoski gudnemearkaevttohusaid 8.4.2022 rádjai (LAAVI/162/2022).

Gudnemearkkaid mieđiheamis deattuhuvvo erenoamážit dat, ahte oažžu persovnnalaš ánsut ákkastallojit bures. Dušše virge- ja bálvalanjagit dahje virgi eai sáhte leat gudnemearkka mieđiheami ággan, muhto ákkastallamis vuolggasadjin leat gaskadási bajábeale ánsut, maid áššáiosolaš lea čájehan duohtan iežas ámmátsuorggis dahje mearkkašahti servodatlaš bargguin. Lassin galgá dárkkistit, ahte vejolaš árat gudnemearkka oažžumis lea gollan unnimustá čieža jagi ja vejolaš árvonamas maid unnimustá čieža jagi. Nuppi gudnemearkka oažžun eaktuda álo ahte dan oažžu virgi, doaimmagovva dahje bargu lea nuppástuvvan ja gáibida eanet ja ahte olmmoš lea čájehan duohtan erenoamáš ánsuid iežas ođđa bargguin. Lassin eaktun lea olbmo buorre beaggin ja miella váldit vuostá gudnemearkka.

Evttohus:

Gielddaráđdehus dahká ovttá ákkastallon evttohusa gudnemearkka oažžus.

Mearrádus:

Gielddaráđdehus dagai ovttá ákkastallon evttohusa gudnemearkka oažžus.

Juohkin

Lappi guovlluhálddahusdoaimmahat

Gieldačatnasanbivdda VASA – Nana sode Lappi buresveadjinguovlui

75/00.04.02/2021

Gr 28.03.2022 § 62

Kolpene lea bivdán Ohcejoga gieldda čatnasit VASA-projektii ja dasa laktáseaddji fidnuohcamuššii čakčat 2022 Lappi buresveadjinguovllus. VASA-projeavttas dahkkojit bálvalusaid ja eastadeaddji doaimmaid nannema ja ovddideami plánat jagiide 2023 – 2025. Buohkanassii fidnu laktása bálvalusaid ovddideapmái, mat leat heajumus sajádagas ja "koronavealggi" burgimii. Dása láktasa, ahte fidnus sáhhtá ovdamearkka dihte stivret resurssaid bálvalusaid ordnemii, go vuos lea čielggaduvvon korona mielddisbuktán áššehasjoavkkuid bálvalandárbu.

VASA ruhta lea válmmaštallanruhta, mainna válmmaštallo / plánejuvvo ovtas guovllu doaibmiiguin čavčča 2022 fidnuohcamii fidnu ja ovddidandoaibmabijut jagiide 2023-2025. Gielddaid hástit fárrui válmmaštallamii, dego bargobájiide, vejolašvuodaid mielde.

Gielddaide eai šatta VASA-projeavttas geatnegasvuodát eai ge mávssut oassálastimis.

Evttohus:

Giieldaráđđehus mearrida, ahte Ohcejoga gielda čatnasa VASA-projektii.

Mearrádus:

Evttohus dohkkehuvvui.

Juohkin

Kolpene bálvalanguovddáža gielddaidovttastupmi/Kolpene palvelukeskuksen kuntayhtymä

Inarin Lapin Vesi Oy, fitnodatčoahkkinovddasteaddji ja stivrra lahttu

45/09.01.00/2012

Gr 28.03.2022 § 63

Inarin Lapin Vesi Oy lea bivdán Ohcejoga gieldda nammadit fitnodatčoahkkinovddasteaddji jeavddalaš fitnodatčoahkkimii, sihke evttohit ovttá fásta lahtu ja ovttá várrelahtu Inarin Lapin Vesi Oy stivrii.

Evttohus:

Gielddaráđdehus nammada fitnodatčoahkkinovddasteaddjin Inarin Lapin Vesi Oy jeavddalaš fitnodatčoahkkimii gielddahoavdda Taina Pieski. Gielddaráđdehus evttoha fásta stivrra lahttun gielddahoavdda Taina Pieski ja várrelahttun giddodathoavdda Markku Porsanger Inarin Lapin Vesi Oy stivrii.

Mearrádus:

Evttohus dohkkehuvvui.

Gaska dmu 14.15-14.22. Gaska maŋŋá ságadoalli gávnnaš, ahte čoahkkima buot álgonammačuorvumis mielde lean olbmot ledje báikkis.

Juohkin

Inarin Lapin Vesi Oy
Nammaduvvon olbmot

Čuvgehuslávdegoddi

§ 155

16.12.2021

Gielddaráđdehus

§ 64

28.03.2022

Čuvgehusdoaimma juhkosat

Čuvglg 16.12.2021 § 155

Ohcejoga gieldda hálddahunjuolggadusa 25§:s lea meroštallon čuvgehuslávdegotti barggut ja doaibmaváldi sihke 26§:s árrabajásgeassin- ja oahpahunsoaimma juhkosiid barggut ja doaibmaváldi.

Hálddahunjuolggadusa 25§:s daddjo, ahte

Čuvgehuslávdegoddi jođiha ja ovddida iežas vuollásaš doaibmasuorggi ja vástida bálvalusaid bohtosiid ordemis. Lávdegoddi čuovvu ja meroštallá bálvalusaid váikkuhanmuni ja várre ássiide ja geavaheaddjiide vejolašvuoda váldit oasi bálvalusaid plánemii ja ovddideapmái. Lávdegoddi ovddasta gieldda ja geavaha gieldda hállanválddi iežas doaibmasuorggi guoskevaš áššiin. Lávdegoddi mearrida dán iežas doaibmasuorgái gullevaš áššiin:

1. vuodđooahpahunslága mielde ovda- ja vuodđooahpahunsoaimmas

2. vuodđooahpahunslága mielde skuvlalaččaid idit- ja veaigebeaidoaimmas

3. logahatlága mielde logahatoahpahunsoaimmas ja eará nuppi dási oahpahunsoaimmas

4. friddja čuvgehusbarggut ja dáidaga vuodđooahpahunsoaimmas addojuvvon lágaid mielásaš oahpahunsoaimmas

5. girjerádjo- ja diehtobálvalusat, kulturdoaimma, lihkan- ja nuoraiddoaimma

6. árrabajásgeassin

7. ovddidanprojeaktadoaimma

Hálddahunjuolggadusa 26§:s daddjo, ahte

Giellajuogus mearrida dán iežas doaibmasuorgái gullevaš áššiin:

1. dain bargguin, mat oahpahunsoaimma lánkaásahusa mielde gullet gildii ja mat gusket iežas giellajovkui

2. oahpahunsoaimma ja árrabajásgeassimii ja ovddideapmái laktáseaddji gažaldagain

Čuvgehuslávdegoddi
Gielddaráđdehus

§ 155
§ 64

16.12.2021
28.03.2022

3. evttohusain lávdegoddái mat gusket giellajoavkku oahpahusa ja árrabajásgeassima bálvalusaid resursadárbbu nuppástusaid

4. giellajoavkku oahpahusa ja árrabajásgeassima virgeválljemiin

5. giellajoavkku guoski árrabajásgeassinplána ja oahppaplána áššiin

6. evttohusain lávdegoddái mat gusket oktasaš oahpahasdoaimma ja árrabajásgeassima áššiid

Juogus sáhttá doalvut dan ášši, masa juhkkosis lea vuoigatvuohta čoavdit, lávdegoddái mearrádusdahkama várás. Juhkkosis lea vuoigatvuohta sirdit iežas doaimmaválddi iežas vuollásaš virgehálldašeaddjái.

Čuvgehushoavda-reaktor doibme sihke čuvgehuslávdegotti ja juhkosiid áššemeannudeaddjin ja čuvgehusdoaimma kanslista čállin ja maiddái čoahkkimiidda laktáseaddji geavatlaš áššiid ordnejeaddjin. Geavadis čuvgehusossodagas lávdegotti ja juhkosiid čoahkkái bovdemii, čoahkkimiid válmmaštallamiidda ja ieš čoahkkimiidda manná áigi sakka eanet go gieldda eará hálldahusgottiin.

Čuvgehuslávdegotti ja juhkosiid rolla berre geahčadit čuvgehusossodaga doaimmaid ja resurssaid bokte. Fámus orru hálldahusnjuolggadusa vuođul hástalusaid dagahit ee. sihke skuvlla ja árrabajásgeassima oahpaheaddjiid välljemat, go gažaldagas lea virgi, mas oahpaheaddji oahpaha sihke sáme- ja suomagielat oahppiid ja oahppoávdnasiid, bargoplánat, mat ráhkaduvvojit sáme- ja suomagillii, muhto mat sisdoalu dáfus leat jogo aivve dahje goit measta ovttaláganat árrabajásgeassima ja vuođđoskuvllaid oahppaplánat árrabajásgeassima ja oahpahusa ovddideapmi ja ovddidanprojeavttat njulgengáibádusat ja daid giedahallan.

Dálá bargoveahkaresursa ii leat doarvái sihke čuvgehuslávdegotti ja juhkosiid áššiid dikšumii.

Hálldahusnjuolggadusas oaivvilduvvon oktasaš oahpahasdoaimma áššin sáhtášii leat ovdamearkka dihte giellalávgunoahpaheaddjiid välljen. Ovttá dulkoma mielde hálldahusnjuolggadus heivehuvvošii giellalávgunoahpaheaddji välljemis nu, áhte ášši galggašii giedahallat sihke suomagielat ja sámegielat juhkosis ja easka dan manná ášši manašii čuvgehuslávdegotti mearridan láhkai (26§ čuokkis 6). Geavadis dákkár doaimmanmálla váldá ollu áiggi, ovdal go mearrádusaid áššis fidnet. Dan lassin ášši válmmaštallan ja sirdin juhkosis nubbái ja loahpas lávdegoddái lea duššálaš mohkkái.

Čuvgehuslávdegoddi
Gielddaráđđehus

§ 155

16.12.2021

§ 64

28.03.2022

Čuvgehuslávdegoddi boadášii váldit beali dasa, bisuhuvvojitgo vai heittihuvvojitgo juhkosat. Goappáge dáhpáhusas hálddahusnjuolggadusa galgá guorahallat, sihke dan vuodul dahkat dárbbášlaš hálddahusnjuolggadusnuppástusaid. Juos sihke čuvgehuslávdegoddi ja juhkosat bisuhuvvojit, ferte čuvgehusossodahkii oažžut eambo bargiid dikšut áššiid. Dálá bargoveahkaresursa lea menddo unni gieđahallat golmma lávdegotti lágaš mearrádusaid dahkki doaibmaorgána buot eará bargguid lassin. Lassin čuvgehuslávdegotti rolla sode-ođastusa olis galgá váldit vuhtii.

Ášši válmmaštalai čuvgehushoavda-rektor Virpi Veskonieni.

Evttohus:

Čuvgehuslávdegoddi ságastallá áššis ja mearrida joatkkadoaimmain.

Mearráduš:

Čuvgehuslávdegoddi mearrida evttohit gielddaráđđehussii ja viidasabbot váldostivrii, ahte sáme- ja suomagielat giellajuhkosat heittihuvvojit ja daid barggut sirdojuvvojit čuvgehuslávdegoddái. Čuvgehusdoaimma resurssat eai reahkká golmmageardásaš hálddahusa joraheapmái.

Čuvgehuslávdegoddi mearrida välljet Leevi Halosa, Elle Aikio ja Pirjo Seurujärvi čuvgehushoavda-rektora doarjjan hálddahusnjuolggadusa ođasmahttima várás čuvgehusdoaimma oasil.

Gr 28.03.2022 § 64

Evttohus:

Gielddaráđđehus dohkkeha ja evttoha ain váldostivrii dohkkeheami várás, ahte sáme- ja suomagielat giellajuhkosat heittihuvvojit ja dát barggut sirdojit čuvgehuslávdegotti vuollásažžan.

Mearráduš:

Evttohus dohkkehuvvui.

Juohkin

Váldostivra

Teknikkalaš lávdegoddi	§ 29	01.03.2022
Gielddaráđdehus	§ 65	28.03.2022

Lassemearruhta Gáregasnjárgga boares skuvlla saneremii

102/10.03.02/2020

Teknlg 01.03.2022 § 29

Gáregasnjárgga skuvlla loahppaoasi divvumii lea várrejuvvon investerenmearruhta 332.000 euro.

Golut leat juo dál mannan badjel 19.000 euro ja šleađga- ja vvs (lvi) - barggut leat vel ollu barggabeahtta. Lassin huksenteknikkalaš bargguide dárbbášuvvo agoartabargi vel sullii 3,5 mánotbadjái.

Árvvoštallon mannoearit leat dát:

šleađgabarggut 33.600

vvs (lvi) -barggut 22.500

huksenteknikkalaš barggut 25.000

gidde gálvvut ja akustihkka 10.000

Evttohus:

Teknikkalaš lávdegoddi evttoha gielddaráđdehussii ja ain gieldda váldostivrii 111 000 euro lassemearruđa juolludeami Gáregasnjárgga boares skuvlla sanerema geargaheami várás.

Mearrádus:

Evttohus dohkkehuvvui.

Gr 28.03.2022 § 65

Evttohus:

Gielddaráđdehus dohkkeha ja evttoha ain váldostivrii dohkkeheami várás lassemearruđa 111 000 euro Gáregasnjárgga boares skuvlla saneremii.

Mearrádus:

Giddodathoavda Markku Porsanger muitalii ášši birra gielddaráđdehusa lahtuide.

Evttohus dohkkehuvvui.

Juohkin

Váldostivra

Beavdegirjii dárkkisteaddjit:

Teknikkalaš lávdegoddi	§ 30	01.03.2022
Gielddaráđdehus	§ 66	28.03.2022

Ohcejoga gieldda bázahusmáksotávssaid bajádus

193/09.02/2013

Teknlg 01.03.2022 § 30

Bázahusfuolahus leamašan goasii jámma táhpalaš.
Bázahusfuolahusa goluid galggašii sáhttit gokčat boađuiguin.
Mannan jagi táhpa šattai 78.000 €, go fas jagis 2020 doaibma lei
táhpalaš 44.000 euroin.

Evttohus:

Teknikkalaš lávdegoddi evttoha gielddaráđdehussii ja ain váldostivrii
10 % bajádusa bázahusmáksotávssaide 1.7.2022 rájes.

Mearrádus:

Evttohus dohkkehuvvui.

Gr 28.03.2022 § 66

Bázahusmáksotákssa siidomateriálan.

Evttohus:

Gielddaráđdehus dohkkeha ja evttoha ain váldostivrii dohkkeheami
várás bázahusmáksotávssaid 1.7.2022 rájes teknikkalaš lávdegotti
evttohusa mielde.

Mearrádus:

Giddodathoavda Markku Porsanger muitalii ášši gielddaráđdehusa
lahtuide.

Marjatta Kordelin evttohii, ahte bázahuscáhcetávssa bajádus ii
dohkkehuvvo muhto ášši máhcahuvvo ruovttoluotta válmmaštallamii.
Ráđđádallamat Lapecoin álggahuvvojit dalán. Seamma oktavuodas
dahkko máksobearranregistara dárkkistus giddodatregistardieđuid
vuodul. Arto Pohjanrinne guottihii Marjatta evttohusa.

Dasgo čoahkkimis lei dahkkon guottihuvvon evttohus, mii spiehkkasii
gielddaráđdehusa evttohusas, ságadoalli evttohii, ahte čađahuvvo
nammačuorvunjienasteapmi, mas JAA lei gielddaráđdehusa
evttohus ja EI Marjatta Kordelin guottihuvvon evttohus.
Jienastanortnet dohkkehuvvui. Jienat addojedje oktiibuot 6 st, mas
JAA jienat 0 st ja EI jienat 6 st (Väinö Guttorm, Vesa Länsman,
Marjatta Kordelin, Arto Pohjanrinne, Anni Ahlakorpi ja Riikka

Beavdegirjii dárkkisteaddjit:

Teknikkalaš lávdegoddi

§ 30

01.03.2022

Gielddaráđdehus

§ 66

28.03.2022

Rasmussen). Jienasteami vuodul mearrádussan šattai Marjatta Kordelin guottihuvvon evttohus.

Gaska dmu 15.35-15.45. Gaska maŋŋá ságadoalli gávnnahii, ahte čoahkkimis buot álgonammačuorvumis mielde lean olbmot ledje báikkis.

Juohkin

Teknikkalaš doaibma

Eallinfápmolávdegoddi	§ 27	10.03.2022
Gielddaráđdehus	§ 67	28.03.2022

Lassemearruhta Sami game jam -fidnui

12/00.01.05/2022

Eallflg § 27

Fidnu ruhtadeapmi lea ohccojuvvon ambassáda Small Grants - prográmmas, man ulbmilin lea doarjut erenomážit nuoraide laktáseaddji doaimmaid ja USA ja Suoma gaskavuodaid. Ruhtadeapmi lea juolluduvvon 20 000 dollára ja dan ulbmilin lea nannet sápmelaččaid ja USA eamiálbmogiid oktasašbarggu. Dát vuodđuduvvá ovdalis Ohcejoga Áilegas-guovddážiis ordnejuvvon speallandáhpáhusaide ja daid birra dahkkon Outi Laiti nákkosgirjebargui. Ruhtadeami vehkiin lea ulbmilin ollašuhttit speallandáhpáhusa, mas oahpásmuvvat speallomáilmmiide, maid iešguđet eamiálbmogat leat ráhkadan omd. Davvi-Amerihkás. Dáhpáhus dahkko ovttasbarggus Deanuleagis Sámástit -fidnuin.

Evttohus:

Lávdegoddi evttoha gielddaráđdehussii ja ain váldostivrii lassemearruhta manut 20 000 dollára, boadut 20 000 dollára, netto 0 bajábealde ovdanbukton speallandáhpáhusa ordnema várás.

Mearráduš:

Dohkkehuvvui evttohusa mielde.

Gr 28.03.2022 § 67

Lávdegotti evttohan mearreruhta lea euroid mielde s. 18 200 euro.

Evttohus:

Gielddaráđdehus dohkkeha ja evttoha ain váldostivrii dohkkeheami várás lassemearruđa Sami game jam -fidnui golut 18 200 euro, boadut 18 200 euro, netto 0 euro.

Mearráduš:

Evttohus dohkkehuvvui.

Juohkin

Váldostivra

Doaibmaorgánaid mearrádusat

Gr 28.03.2022 § 68

Lávdegottiid beavdegirjiid berre doaimmahit gielddahovdii njealje beavve siste beavdegirjii dárkkisteamis. Giieldaráđđehusas lea váldinvuoigatvuohta lávdegottiid, iežas juhkosa sihke vuollásaš stivrra ja virgeolbmo mearrádusaide. Váldinmearrádusa sáhtá dahkat giieldaráđđehus dahje dan ságadoalli, gielddahoavda dahje stivrenjuolggadusas mearriduvvon virgeolmmoš.

Váldinvuoigatvuođa galgá geavahit manjimuštá njulgengáibádusáiggi siste. Geavadis gielddahoavda manná lávdegottiid mearrádusaid čađa. Go giieldaráđđehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo giieldaráđđehusa beavdegirjái, muhto dat galget leat lahtuid geavaheamis giieldaráđđehusa čoahkkimiin.

Čuovvovaš doaibmaorgánaid beavdegirjiit leat oaidnimis čoahkinbáikkis:

Teknikkalaš lávdegoddi 1.3.2022, Čuvgehuslávdegoddi 2.3.2022, Eallinfápmolávdegoddi 10.3.2022 ja Vuodđodorvolávdegoddi 14.3.2022.

Evttohus:

Giieldaráđđehus merke diehtun doaibmaorgánaid dahkan mearrádusaid ja gávnaha, ahte GiieldaL 51 § mielásaš váldinvuoigatvuohta ii leat geavahuvvon.

Mearrádus:

Evttohus dohkkehuvvui.

Ruhtadili birra oanehaččat

Gr 28.03.2022 § 69

Gullat ruhtadili birra oanehaččat.

Evttohus:

Merkejuvvo diehtun.

Mearrádus:

Merkejuvvui diehtun.

Áššit diehtun

Gr 28.03.2022 § 70

Evttohus:

Gielddaráđđehus merke bohtán diehtun čuovvovaš áššebáhpáriid:

Eurohpádiedáhus/Eurooppatiedotus

- Eurohpádiedáhusa ođasreive1/2022

Lapin liitto

- Stivra 10.12.2021 beavdegirji
- Stivra 7.2.2022 beavdegirji
- Gádjunlávdegoddi 1.3.2022 beavdegirji

Soađegili gielda

- Birasjuogus 2.3.2022 beavdegirji
- Birasjuogus 2.3.2022 beavdegirji válddus§ 6,
Birassuodjalaneiseválddi doaibmaválddi sirdin

Mearrádus:

Merkejuvvui diehtun

Vuođđodorvolávdegoddi	§ 67	01.11.2021
Vuođđodorvolávdegoddi	§ 16	14.03.2022
Gielddaráđdehus	§ 71	28.03.2022

Dikšunbarggu ja rabasbálvalusa hálddahuslaš ovtasteapmi

82/00.01/2021

Vudolg 01.11.2021 § 67

Gielddaráđdehus lea 25.9.2020 (§99) ságadoalli bivdagis merken beavdegirjái, ahte oppa dearvvasvuođaguovddáža dikšun- ja veahkeheaddji bargoveaga galgá sirdit dikšundoaibmahoavdda vuollai váldostivrra 11.5.2015 mearrádusa mielde. Váldostivrra mearrádusa duogázis lea Ohcejoga sosiála- ja dearvvasvuođadoaimmas jagiid 2012-13 ollašuhhton boarrásiidbarggu organisašuvdna ja jođihanmálla ovddidanprojeakta, man mihtomearrin lei ođđa mále atnuiváldin. Dát ii leat goit fitnašuvvan projeavtta áigge ja ášši válmmaštallan jotkojuvvui virgeolmmošbargun.

1.10.2015 rájes dearvvasvuođaguovddáži vuođđuduvvui dikšunbarggu hoavdda virgi. Mearrádusa mielde dikšunbarggu hoavda doibme oppa dearvvasvuođaguovddáža dikšun- ja veahkeheaddji bargoveaga hoavdan. Su bargun lea doaimma ovddideapmi ja jođiheapmi ovttas vástideaddji doaktáriin, vuođđodorvohoavddain ja bargoveagain: dearvvasvuođaguovddáža bargoveahka ja ekonomijahálddahus sihke oassálastin dikšunbargui. Virggi gelbbolašvuođaeaktun lea dán bargui heivvolaš allaskuvladutkkus sihke dearvvasvuođafuolahusa ámmátbargoveagas addojuvvon lágas 559/1994 oaivvilduvvon lágalažžan dahkan.

Dikšunbarggu hoavdda vuollásažžan bargá oppa dearvvasvuođafuolahusa bargoveahka earet doaktárat. Dearvvasvuođaguovddáža doaibmalanjain doibme maid sosiálafuolahuslága Seitakartano ássanovttadat sihke beavttálmahtton bálvalanássama ovttat Dorvu. Dáid ovttagaid doaimmas ja bargoveahkahálddahasas vástida rabasbálvalusjođiheaddji. Rabasbálvalusjođiheaddji vuollásažžan gullá lassin ruoktobálvalus sihke sierraruhtademiin buvttaduvvon sámezielat bálvalusat.

Dikšun- ja boarrásiidbarggu jođiheamis deattuhuvvo čavga oktasašbargu eará doaibmiid gaskkas. Guovddáš rolla lea dearvvasvuođafuolahusa medisiinnalaš - ja bátnedálkkasdieđalaš bálvalusaid go sosiálafuolahusa rabasbálvalusaid oktiiveheamis. Ovdamearkka dihte ruoktobuohccedivššu ja ruoktodivššu oktasašbarggu plánen buvttáši ávkki ruovttus orru áššehasaide ja dagašii vejolažžan njuovžilut eastadeaddji bálvalandárbbu árvvoštallama ja bálvalusaid lasiheami. Ovtta hoavdda mále maid čielggasmahtáši jođiheami ja doaimma organiserema bargoveaga guvlui. Eahpečielggasvuođat bargoveahkaáššiin dagahit dál ollu

Vuođđodorvolávdegoddi	§ 67	01.11.2021
Vuođđodorvolávdegoddi	§ 16	14.03.2022
Gielddaráđdehus	§ 71	28.03.2022

guorahallamiid, maidda geavahuvvon áigegeavaheapmi lea čielgasit duššálaš áigegeavaheapmi nappo resurssaid skievtideapmi. Bargoveaga ollesmearri lea Ohcejoga dikšun- ja divššodanbargoveaga oasil 40 olbmo, go fárrui váldo sihke dearvvasvuođafuolahusa ja sosiálabálvalusaid bargoveahka. Resurssaid doarváivuoda ja doaimma ovddideami dáfus lea vuogálaš, ahte gažaldatvuloš bargoveahka sirdo ollásit dikšunbarggu hoavdda vuollásažžan. Dikšunbarggu hovdii gulašii dás maŋás dikšunbarggu ja ruoktodivššu bargoveahkajođiheapmi ja dan ovddideapmi, bargoveaga buresveadjimii laktáseaddji áššit, doaimma ovddideapmi sihke ekonomii ja hálddašepmi. Rabasbálvalusjođiheaddji bargun gulašii agáiduvvi veahkadaga buktin hástalusaid ávašteapmi, ovddasvástádus boarrásiidbálvalusaid ovddideamis, ee. ruoktut addojuvvon bálvalusaid ovddideapmi, RAI-prográmma atnui váldima plánen sihke ahkeolbmuid bearašdivššu ovddideapmi, dikšun- ja bálvalanplánaid gárvvisteapmi boarrásiidbálvalusaid mielde (vuođđobálvalus fállujuvvo gielddain ruoktut) sihke lápmásiidbálvalusaid ovddideapmi oktasašbarggus sosiálabargiin. Danin go nuppástusas leat oaidnimis virge- ja doaimmagovvanuppástusat, mat vejolaččat dagahit ovddasvástádusnuppástusaid ja ná maid ovdal loahpalaš ovtastuvvama bálkáváikkhusaid dárbbášat ovdal ovtasdoaimmanlágas oavvilduvvon ráđđádallamiid, mat biddjojit johtui goas?

Evttohus: Vuođđodorvolávdegoddi mearrida álggahit ovtasdoaimmanráđđádallamiid hálddahusa ovtastuvvama válmmaštallama várás. Ášši bukto ođđasis lávdegotti giedahallamii YT-ráđđádallamiid maŋná.

Mearrádus:

Evttohus dohkkehuvvui.

Vudolg 14.03.2022 § 16

YT-lágas oavvilduvvon oktasašdoaimmanráđđádallamat leat lágiduvvon Ohcejoga gieldda 26.11.2021 addin ráđđádallanevttohusa mielde. Oktasašdoaimmanráđđádallamiid beavdegirjjit leat oaidninláhka čoaikkimis. Dikšunbarggu ja rabasbálvalusaid bargoveahkahálddahusa ovtastahttima joatkit. Dikšunbarggu hoavda ii leat vuostálastán bargoveahkahálddahusa ovtastahttima. Rabasbálvalusa jođiheaddji leat cealkán eret ja virgi lea rabas.

Dál dikšunbarggu hoavda doibme dearvvasvuođaguovddáža searjagaossodaga ossodatbuohccedikšun sihke oppa

Vuođđodorvolávdegoddi	§ 67	01.11.2021
Vuođđodorvolávdegoddi	§ 16	14.03.2022
Gielddaráđdehus	§ 71	28.03.2022

dearvasvuodaguovddáža dikšun- ja veahkeheaddji bargoveaga ovdaolmmožin ja sus lea ovddasvástádus dikšunbarggu jodiheamis, mii vuođđuduvvá čájáhussii sihke doaimma ja ekonomijja plánemis, ollašuttimis ja čuovvumis. Bargguide gullet ee. doaimma organiseren, ovddideapmi ja jodiheapmi, dearvasvuodaguovddáža bargoveahka- ja ekonomijjahálddahas sihke oassálastin dikšunbargui searjgaossodagas). Gelbbolašvuodaeaktun lea dán bargui heivvolaš allaskuvladutkkus sihke dearvasvuodafuolahusa ámmátolbmuiin addojuvvon lágas (559/94) oavvilduvvon lágalažžan dahkan dahje danveardásaš registreren.

Dikšunbarggu hovdii gullá dás maŋás dikšunbarggu ja ruoktodivššu sihke beavttálmahtton bálvalusássama Dorvvu bargoveahkajodiheapmi ja doaibma ja dan ovddideapmi, bargoveaga buresveadjimii laktáseaddji áššit, dikšunbarggu doaimma ovddideapmi. Lassin gullá ovddasvástádus dikšunbarggu ja rabasbálvalusaid ekonomijas ruoktodikšunveahki ja beavttálmahtton bálvalusássama Dorvvu sihke sámegeielat sosiála- ja dearvasvuodabálvalusaid doaimma ovttagaid doaimmaid ekonomijas.

Dikšunbarggu hoavdda dán barggu bálkán evttohuvvo 4300 euro /mb. Eará gielddain danveardásaš virggiin mákso gaskamearálaččat 4300 euro /mb. Bálkká vuođustussan leat lassánan barggut ja ahte bargiid mearri lea duppalastán. Lassin dál lasihit barggu noađuheami buresveadjinguovllu válmmaštallamat ja RAI- árvvoštallanvuogádaga doibmiibidjan boarrásiidbálvalanlága mielde 1.3.2023 rádjai. Dikšunbarggu hoavdda virgi sisttisdoallá beavválaš jodiheami, sadjásaččaid háhkama ja mearrediđolaš dikšunbarggu ja bargoveaga ovddideami. Ulbmilin lea ahte bargit molsašuvvet unnán ja doaibmabijut mat lasihit bargoburesveadjima.

Jagi álgu rádjai rabasbálvalusa jodiheaddji lea doibmen bargiid ovdaolmmožin ja vástidan ruoktot addon bálvalusaid, ahkeolbmuid bearašdivššu, oapmahašdikšundoarjaga, ássanbálvalusaid, badjel 18- jahkásaš doaibmaváddobálvalusaid ja čálganváttolaččaid bálvalusaid sihke sosiálafuolahus- ja lápmásiidbálvalanlágas oavvilduvvon sáhttobálvalusaid organiseremis ja ordnemis. Lassin virgái lea gullan doaibman boarrásiid- ja doaibmaváddoráđis. Su barguide leat gullan ruoktobálvalusa bálvalusaid, boarrásiidbálvalusaid sihke doaibmaváddobálvalusaid ovddideapmi. Virggi gelbbolašvuodaeaktun lea sosiálafuolahusa bargoveaga lága gelbbolašvuodagáibádusain 6§:s oavvilduvvon bargui heivvolaš sosiálasuorgái gullelaš sosiála- ja dearvasvuodasuorggi ámmátallaskuvladutkkus.

Vuođđodorvolávdegoddi	§ 67	01.11.2021
Vuođđodorvolávdegoddi	§ 16	14.03.2022
Gielddaráđđehus	§ 71	28.03.2022

Bargoveahkahálddaha ovtastuvvama maŋŋá rabasbálvalusa jodiheaddji virgái gullá bagadallan ja rávven sihke viiddis bálvalandárbbu árvvoštallan ruoktut addon bálvalusaide, ahkeolbmuid bearašdikšui, oapmahašdikšundoarjagii, ássanbálvalusaide, badjel 18- jahkásaččaid doaimaváddobálvalusaid ja čálgováttolaččaid bálvalusaide sihke sosiálafuolahus- ja lápmásiidbálvalanlágas oavvilduvvon sáhttobálvalusat. Lassin virgái gullá doaimman boarrásiid- ja čálgováddorádis. Ruoktut addojuvvon bálvalusaid organiseren ja bálvalusbagadallan ja bálvalusmearrádusat dahkkojit oktasašbarggus ruoktobuohccedivššu ja dikšunbarggu hoavddain. Doaimaváddobálvalusaid ja čálganvátolaččaid bálvalusat dahkkojit oktasašbarggus sosiálabargin. Rabasbálvalusjodiheaddji ovddida ahkeolbmuid bálvalusaid ja doibmiibidjá RAI- árvvoštallanvuogádaga oktasašbarggus dikšunbarggu hoavddain. Rabasbálvalusa jodiheaddji bargá vuođđodorvohoavdda vuollásažžan. Vuođđodorvohovdii gullá ovddasvástádus dáid ekonomijjas: ahkeolbmuid bearašdivššus, oapmahašdikšundoarjagis, ássanbálvalusain earet beavttálmahtton bálvalusássanovttadat Dorvvu, doaimaváddobálvalusain ja čálgováttolaččaid bálvalusain sihke sosiálafuolahus- ja lápmásiidbálvalanlágas oavvilduvvon sáhttobálvalusain sihke boarrásiid- ja doaimaváddorádi doaimmas. Rabasbálvalusa jodiheaddji virggi bálkán evttohuvo 2800 €.

Váldostivra lea vuođđudan dikšunbarggu hoavdda ja rabasbálvalusa jodiheaddji virggiid ja virggi vuođđudeami oktavuodas meroštallan virgái gullelaš bargguid ja gelbbolašvuođagáibádusaid. Gielddaráđđehus lea 25.9.2020 (§99) ságadoalli bivdagis merken beavdegirjái, ahte oppa dearvasvuođaguovddáža dikšun- ja veahkeheaddji bargoveaga galgá sirdit dikšunbargohoavdda vuollásažžan váldostivrra 11.5.2015 mearrádusa mielde. Váldostivrra mearrádusa duogážis lea Ohcejoga sosiála- ja dearvasvuođadoaimmas jagiid 2012-13 ollašuhhton boarrásiidbarggu organisašuvdna ja stivrenmálla ovddidanprojeakta, man ulbmilin lei ođđa málla atnuiváldin. Bargoveahkahálddaha sirdin dikšunbarggu hovdii ja virggiid virgebargguid nuppástusaid geažil rievdadusat evttohuvojit váldostivrii dohkkeheami várás.

Evttohus:

Vuođđodorvolávdegoddi dohkkeha

- 1) hálddaha ovtastahttima nu mo ovddabealde lea ovdanbuktojuvvon,
- 2) dikšunbarggu hoavdda virggi virgebargguid nuppástusat ja nanne bálkán 4.300€/mb
- 3) rabasbálvalusa jodiheaddji virggi virgebargguid nuppástusat ja nanne bálkán 2.800 €/mb

Vuođđodorvolávdegoddi	§ 67	01.11.2021
Vuođđodorvolávdegoddi	§ 16	14.03.2022
Gielddaráđdehus	§ 71	28.03.2022

ja evttoha daid ain váldostivrra dohkkeheami várás.

Mearrádus:

Evttohus dohkkehuvvui ja dat evttohuvo ain váldostivrii dohkkehanláhkai.

Gr 28.03.2022 § 71

Evttohus:

Gielddaráđdehus dohkkeha ja evttoha ain váldostivrii dohkkeheami várás dikšunbarggu hoavdda ja rabasbálvalusa jodiheaddji nuppástuhton doaibmagovat ja gelbbolašvuodagáibádušat vuođđodorvolávdegotti evttohusa mielde.

Mearrádus:

Evttohus dohkkehuvvui.

Juohkin

Váldostivra

Eallinfápmolávdegoddi	§ 28	10.03.2022
Gielddaráđdehus	§ 72	28.03.2022

Lassemearruhta "Nisulammen lähivirkistysalueen kehityshanke" - fidnui

11/00.01.05/2022

Eallfg § 28

Lagasastoáiggeguovllut leat loktejuvvon oktan dehálamos ovddidančuozáhahkan ráhkadusnuppástusbarggu oktavuodas. Nisoláddo guovllu ovdánahttin lea loktejuvvon oktan ovddemuš ovddidančuozáhahkan juo ovdal Mátkealáhusa eanangeavahanplánas, man dahkamis ledje mielde gieldda ovddasteaddjiid lassin ee. Meahcceráđdehus, bálgosat ja báikkálaš mátkealáhus fitnodatdoallit. Nisoláddo guovllus gávdno juo astoáiggedoaimma ja dasa laktáseaddji ráhkadusat, dego frisbeegolfgeinnodat, lávvu ja vuojudanbáiki.

Fitnu vehkiin Nisoláddo guovllus hápmašuvvá geasuheaddji, birra jagi doaimmi lagasastoáigge- ja galledanbáiki, guhte fállá čáppa báikki astoáiggedoaimmaide gasku luonddu. Guovlu heive buot ahkásaš luonddus johtiide danin go sierra dássát ja ahkásaš luonddus johttit leat váldojuvvon vuhtii ee. čohkohallanbáikkiid vehkiin. Guovlu fállá buori astoáiggedoaimma guovllu, mas birrasis lea merkejuvvon bálggis, frisbeegolfgeinnodat, vuojudanbáiki ja sávdni. Fitnu áigge gárvves ráhkadusat divoduvvojit nu, ahte guovlu lea buohkaid olahannuttus. Fidnu leage almmolaččat ávkkálaš investerenfidnu, guhte lea ávkin olles guovllu ássiide sihke Ohcejoga girkosiidda galledeaddjiide, nu suomelaš go olgoriikalaččaide. Fidnu ollašuhtho jagi 2022 áigge ja dan bušeahtta lea 145 560 €, mas Ohcejoga gieldda ruhtadanoassi lea 42 768 €. Fidnui lea ohcon ruhtadeapmi EBJ-guovddážis dálonguovloruhtarájus. Ruhtadeami doarjjaproseanta lea 70 %. Fidnoplána lea lassemateriálan ja dat lea aiddo dievasmahttima vuolde. Dievasmahtton fidnoplána ovdanbukto čoahkkimis.

Evttohus:

Lávdegoddi evttoha gielddaráđdehussii ja ain váldostivrii lassemearruđa Nisoláddo lagasastoáiggeguovllu ovddidanfidnui jahkái 2022 manut 145 560 €, boadut 99792 €, netto 42 768 € euro.

Mearráduš:

Dohkkehuvvui evttohusa mielde.

Gr 28.03.2022 § 72

Evttohus:

Eallinfápmolávdegoddi	§ 28	10.03.2022
Giieldaráđđehus	§ 72	28.03.2022

Giieldaráđđehus dohkkeha ja evttoha ain váldostivrii dohkkeheami várás lassemearruđa Nisoláddo lagasastoáiggeguovllu ovddidanfidnui jahkái 2022 manut 142 560 €, boadut 99 792 €, netto 42 768 € euro. Projeakta gullá teknihkalaš doaimma investerenprográmmii goasttádusbáikái lihcadeapmi- ja olgolihkadanguovllut.

Mearráduš:

Evttohus dohkkehuvvui.

Juohkin

Váldostivra

Lassemearruhta Njuorggáma Stuorrageađggevári čorgatvuohta ja geasuhahttivuohta - projektii

24/00.01.05/2022

Eallflg § 29

Geassit 2020 álgán luosa ráfáidahttima geažil Ohcejoga turismaealáhus, gieldda olbmuid buresveadjin ja birgenláhki leat áitojuvvon. Ohcejoga turisma vuodđogeađgi luossabivdoturisma nogai luosa ráfáidahttima geažil. Ohcejogas lea álggahuvvon ráhkadusnuppástusbargu, mas geahččaluvvo doarjut guovllu ealáhusaid ja ohcejohkalaččaid buresveadjima. Lagasvirkkosmahttinguovllut leat loktejuvvon oktan dehálamos ovddidanáššin, dasgo lagasvirkkosmahttinguovlluin oidnet stuorra potentiála báikkálaš olbmuid buresveadjima doarjumis ja turismaealáhusa nannemis. Njuorggáma Stuorrageađggeváris lea boahtán okta Ohcejoga guovllu bivnuheamos báikkiin. Lassánan galledeadjimearri lea váidalahtti gal dagahan maid negatiivvalaš čuovvumušaid ja guovlu leage lutnon mearkkašahtti ollu. Báikkálaš olmuide guovlu lea juo guhká leamaš hui dehálaš lagasvirkkosmahttinguovlu ja erenomážit Njuorggáma gilis guovllu durdun lea bajidan stuorra fuola. Ohcejoga gieldda guovllus leat geahččalan ovddidit vásttolaš turisma doaibmavugiid ja beaggima ja maiddái danin dili oidnet erenomáš vahátlažžan.

Stuorrageađggevári guovlu lea rašes duottarbadjeeana. Guovllus ii leat dál hivsset iige ruskaidčoaggin ja guovlu leage durdon nu ruskain go olbmuid baikkain. Lagamus hivssegat leat Njuorggáma gilis (3 km duohken K-Market oktavuodas, muhto geavaheamis dušše gávppi rabasáiggiid), Skáidejávri goađis (1,7 km vázzinmátki) ja Čeavetjávri-Buolbmátjávri -vánddardangeinnodaga álggogeahčen (17 km). Lagamuš almmolaš ruskalihtti lea Njuorggáma gilis skuvlla šiljus (3 km).

Dán projeavtta ulbmilin lea čorget Stuorrageađggevári guovllu, hukset vejolašvuođaid guovllu doallamii čorgadin ja geasuhahttin sihke ná suodjalit guovllu rašes duottarluonddu. Projeavtta ollašuvadettiin Stuorrageađggeváris ordnejuvvo maiddái čorgen álbmogasbargun. Projeavttas livččii stuorra mearkkašupmi báikkálaš olmuide ja turisttaide. Dasa lassin projeavttas livččii gaskkalaččat mearkkašupmi turismaealáhussii, dasgo guovllu geasuhahttivuođa lassáneami mielde maiddái turistamearit lassánit. Ulbmilin lea dahkat báikkis dakkára, man lea álki bajásdoallat ja, jos välljejuvvon ráhkadusaid oidnet doaibmin, de atnit seamma čovdosa ávkin maiddái eará sajis gieldda guovllus ja earáid doaimmas maiddái eará sajis Suomas ja erenomážit Lappi guovllus seammassullasaš báikkiin, maid lea váttis bajásdoallat.

Oanehis govvádus doaibmabijuin, madda ohccojuvvo doarjja Projeavttas ohccojuvvo doarjja čuovvovaš doaibmabijuide:

Beavdegirjii dárkkisteaddjit:

- Parkerenbáikki huksen sihke plánen
- Eanageavahansoahpamuš meahcceráđdehusain guovllu geavaheamis
- Parkerenbáikki vuodđobarggut ja asfalteren
- Guovtte báikki vuolledettahivsset (válljejuvvon ollašuhttimii bajásdoalu álkivuoda geažil, Meahcceráđdehusas dákkár hissegis buorit vásáhusat)
- Molok táŋkkain, mii lea eatnan alde (seamma sivva go ovddabealde)
- Ráhkadusaid sajáiduhttinbarggut
- Álbmogasbarggu fáladeamit ja ordnemat sihke čorgenbiergasat čorgenbarggaid várás

Guovllus lea smávva govddit oassi geaidnuguoras, muhto dat lea dán áigge juo jámma dievva, man geažil ráhkadusaide gártá hukset ođđa parkerenbáikki. Parkerenbáikki sajádagas sihke eanaguovllu láigoheamis lea juo álgoplána Meahcceráđdehusain.

Projektii lea ohccojuvvon ruhtadeapmi birasministeriijas 72 578 euro ja projeakta lea válljejuvvon ruhtadanvuloš projeavttaid jovkui.

Evttohus:

Eallinfápmolávdegoddi evttoha gielddaráđdehussii ja ain gielldastivrii, ahte dat juolluda lassemearruđa ovddabealde ovdanbukton projektii ná: manut 72 578, boadut 45 000, netto 27 579 euro.

Mearrádus:

Dohkkehuvvui evttohusa mielde

Gr 28.03.2022 § 73

Evttohus:

Gielddaráđdehus dohkkeha ja evttoha ain váldostivrii dohkkeheami várás lassemearruđa Njuorggáma Stuorageađggevári čorgatvuohta- ja geasuhahttivuohta projektii jahkái 2022 manut 72 579 €, boadut 45 000 €, netto 27 579 € euro. Projeakta gullá teknihkalaš doaimma investerenprográmmii goasttádusbáikái lihadeapmi- ja olgolihkadanguovllut.

Mearrádus:

Evttohus dohkkehuvvui dainna lasáhusain, ahte ovdal projeavtta johtuibidjama galgá áššis gullat Gálddoavvi bálgosa.

Juohkin

Váldostivra

Duktásaji oastinfálaldat, Nilla Tapiola

77/10.00.02/2018

Gr 28.03.2022 § 74

Nilla Tapiola lea dahkan gildii oastinfálaldaga eanasajis nr 890-401-10-12. Duktásadji lea Ohcejoga girkosiidna sajádatlávvaviidodagas koartilis 6, AL 500, duktásadji nr 3. Duktásaji viidodat leat 2147 m2. Oastinfálaldat lea oaidinláhka čoaččim.

Váldostivra lea čoaččimisttis 21.3.2018 § 7 dohkkehan eatnama vuovdima prinsihpaid. Sajádatlávejuvvon viidodagas duktásaji, mii ii leat ássanvisteduktásadji, njealjehashaddi lea 40 €/huksenvuoigatvuođa geardenjealjehas. Gažaldatvuloš duktásaji huksenvuoigatvuohta lea 244 k-m2. Huksenvuoigatvuohta 500 guoská guovtti eanasaji, nu ahte huksenvuoigatvuohta juohkása viidodagaid ektui.

Evttohus:

Gielddaráđdehus mearrida vuovdit oastinfálaldaga mielasat eanaviidodaga Nilla Tapiolai váldostivrra dohkkehan távssain, vuovdinhaddi 9 760 euro. Gielddaráđdehus fápmuda gielddahoavdda vuolláičállit gávpegirji.

Mearráduš:

Anni Ahlakorpi evttohii, ahte duktásadji ii vuvdojuvvo evttohuuvon hatiin. Evttohus ii guottihuuvon.

Evttohus dohkkehuvvui.

Juohkin

Teknikkalaš doaibma

Nuppástusohcangildosat

Gildosiid vuđdosat	Čuovvovaš mearrádusain ii giieldalága 136 § mielde oaččo dahkat vuigengáibádusa iige gieldaváidaga, dasgo mearrádus guoská dušše válmmaštallama dahje ollašuttima: Paragráfat 51, 52, 53, 54, 56, 57, 61, 64, 65, 66, 67, 68, 69, 70, 71, 72, 73
	Dasgo mearrádusas sáhtá dahkat giieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragráfat 55, 58, 59, 60, 62, 63, 74
	Hálddahušlágageavahanlága (HallintolainkäyttöL) 5 § / eará láhkaásahusa mielde čuovvovaš mearrádusaide ii oaččo ohcat nuppástusa váidimiin. Paragráfat ja váidingildosiid vuđdosat

Vuigengáibádusrávvagat

Vuigen- gáibádus- virge- oapmahaš ja -áigi	Čuovvovaš mearrádusaide duhtameahtun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus: Ohcejoga gielddaráđdehus PL 41 99981 Ohcejohka Paragráfat 55, 58, 59, 60, 62, 63, 74 Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusaiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidnin láhkai almmolaš diehtofierbmái.
Vuigen- gáibádusa sisdoallu	Vuigengáibádusas galgá boahit ovdan gáibádus oktan vuđđosiiguin ja dan galgá dahkki čállit vuollái.

Váiddačujuhus

Váiddavir- geoapma- haš ja váidináigi	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvon mearrádussii oažžu ohcat nuppástusa gieldaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gieldaváidagiiguin maiddái áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus Uksačujuhus: Pohjois-Suomen hallinto-oikeus Poastačujuhus: Isokatu 4, Oulu PL 189 90101 OULU	
	Gioldaváidda, paragráfat	Váidináigi 30 beavvi
Hálddahušváidda, paragráfat		Váidináigi beavvi
Eará váiddavirgeoapmahaš, čujuhus ja poastačujuhus	Paragráfa	Váidináigi beavvi beavvi beavvi
Váidináigi álgá mearrádusas dieđu oažžumis. Váidináiggi rehkenasttedettiin diehtunoažžunbeaivi ii váldojuvvo lohku.		

Laktojuvvo beavdegirjái

Váiddagirji	<p>Váiddagirjiis galgá almmuhit</p> <ul style="list-style-type: none"> - váidi nama, poastačujhusa, ruovttugieldda ja telefonnummira - mearrádusa, masa ohcá nuppástusa - man ráje mearrádusas váidojuvvo ja nuppástus, mii dasa gáibiduvvo dahkat - nuppástusgáibádusa ákkaid <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangieldda, poastačujhusa ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopiijan sihke duođaštusa das man beavve mearrádus lea addojuvvon diehtun dahje eará čilgehusa, man rájes váidináigi galgá lohkkjuvvot.</p>
Váiddaáššegirjiid doaimmaheapmi	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi mañimus beaivi lea bassebeaivi, iehčanasvuođabeaivi, válborbeaivi, juovla- dahje jonsotruohtta dahje árgalávvardat, de váiddaáššegirjiid oažžu doaimmahit váiddavirgeoapmahažžii vuosttas beavve dan mañná. ležas ovddasvástádusain váiddaáššegirjiid sáhtta sáddet poastta dahje áirasa mielde. Postii váiddaáššegirjiid berre guođđit nu áiggil, ahte dat gerget boahit ovdal go váidináigi nohká.</p> <p>Váiddaáššegirjiid sáhtta doaimmahit maid: namma, čujuhus, poastačujuhus Paragrafat</p> <p>Váiddaáššegirjiid galgá doaimmahit 1): namma, čujuhus, poastačujuhus Paragrafat</p>
Lasse-dieđut	<p>Dárkilis vuigengáibádusráva/váiddačujuhus laktojuvvo beavdegirji váldosii.</p>

¹⁾ Jos doaimmahuvvo eará sadjái go váiddavirgeoapmahažžii.